

Naqqiut

Ilangussaq 1-imut 9. august 2016-imeersumut taartaasoq
(§-imut innersuunneqartunut innersuussissutini iluarsiissuteqartoqarpoq aamma inatsisinut
innersuussinerni ilanngussami tamani, taammalilluni innersuussinerit ilanngussamut
danskisuumut naapertuuttunngorlugit)

Ilangussaq 1

Erhvervsstyrelsi

MISSINGIUT

Naatsorsuuserineq pillugu inatsisip allanngortinneqarnissaa pillugu inatsisini assigiinngitsuni
aalajangersakkat ilaasa Kalaallit Nunaannut atuutilersinneqarnissaat pillugu peqqussut

Kukkunersiuisut kukkunersiuinermillu suliffeqarfiit akuerisat pillugit inatsit
(kukkunersiuisut pillugit inatsit) nr. 468, 17. juni 2008-meersumi § 64, imm. 2, pinngitsoorani
digitalimik attaveqatigiinneq il.il. pillugit inatsisitigut aalajangersakkat assigiinngitsut
allanngortinneqarnissaat pillugu inatsit (Pinngitsoorani digitalimik attaveqatigiinneq aamma
oqartussaaffiit nuunneqarnerisa kingorna naleqqussaannerit il.il.) nr. 1231, 18. december 2012-
imeersumi § 70, imm. 4, kiisalu naatsorsuuserineq pillugu inatsisip allanngortinneqarnissaa
pillugu inatsit (Naatsorsuuserinermi atortunik toqqorsimatitsineq) nr. 55. 27. januar 2015-
imeersumi § 3 naapertorlugit aalajangersarneqarpoq:

§ 1. Naatsorsuuserineq pillugu inatsimmi allannguutit, kukkunersiuisut
kukkunersiuinermillu suliffeqarfiit akuerisat pillugit inatsit (kukkunersiuisut pillugit inatsit)
nr. 468, 17. juni 2008-meersumi § 62, imm. 2-kkut, pinngitsoorani digitalimik
attaveqatigiinneq il.il. pillugit inatsisitigut aalajangersakkat assigiinngitsut
allanngortinneqarnissaat pillugu inatsit (Pinngitsoorani digitalimik attaveqatigiinneq aamma
oqartussaaffiit nuunneqarnerisa kingorna naleqqussaannerit il.il.) nr. 1231, 18. december 2012-
imeersumi § 5, kiisalu naatsorsuuserineq pillugu inatsisip allanngortinneqarnissaa pillugu
inatsit (Naatsorsuuserinermi atortunik toqqorsimatitsineq) nr. 55. 27. januar 2015-imeersumi
§ 1-ikkut piviusunngortinneqartut, peqqussummi matumani § 2 malillugu Kalaallit Nunaannut
atuuttussanngortinneqarput.

§ 2. Naatsorsuuserineq pillugu inatsimmi, naatsorsuuserineq pillugu inatsisip Kalaallit
Nunaannut atuutsinneqalersnissaa pillugu kunngip peqqussutaa nr. 624, 23. juni 2008-
meersukkut atuutsinneqalersumi, tulliuttunik allannguisoqarpoq:

1. Kapitali 1-ip kingorna ilanngunneqassaaq:

Inuussutissarsiornermut Ineriartortitsinermullu min.,
Erhvervsstyrelsi, J.nr. 2015-13795

»Kapitali 1 a
Attaveqatigiinneq

§ 1 a. Pissutsit inatsimmut matumunnga imaluunniit maleruagassanut inatsit manna malillugu atuutisneqalersunut ilaasut pillugit oqartussanut oqartussaniillu allakkatigut attaveqatigiinnerit digitalimik pinissaat pillugu Erhvervsstyrelsi maleruagassanik aalajangersaasinnaavoq.

Imm. 2. Digitalimik attaveqatigiinnermut, ilanngullugit it-mik periutsinik aalajangersimasunik atuinissaq, digitalimik ilusiliussanik immikkut ittunik kiisalu digitalimik atsiorneq assigisaalluunniit pillugit maleruagassanik erseqqinnerusunik Erhvervsstyrelsi aalajangersaasinnaavoq.

Imm. 3. Digitalimik nalunaarut nalunaarummik tiguisussamit tiguneqarsinnaaleraangami, angussimasutut isigineqassaaq.

Imm. 4. Najoqqutassat imm. 1 imaluunniit imm. 2 malillugu atuutisneqalersut malillugit Erhvervsstyrelsip oqartussalluunniit allat aalajangiinerisa, allaffissornikkut oqartussanut allanut suliassanngorteqqinneqarsinnaannginnerat pillugu maleruagassanik inuussutissarsiornermut ineriartortitsinermullu ministeri aalajangersaasinnaavoq.

§ 1 b. Inatsit manna imaluunniit maleruagassat inatsit manna naapertorlugu atuutilersinneqartut malillugit oqartussat aalajangiinernik uppersaaititullu allakkianik atsiorneqanngitsunik, maskiinat taamaaqataalluunniit atorlugit atsiornilinnik, imaluunniit periutsumik aalajangiisup imaluunniit uppersaammik allakkiortup paatsuugassaanngitsumik kinaassusersinissaanut qulakkeerinnittumik atuilluni atsiornilinnik pisortat aalajangiinernik uppersaaititullu allakkianik allanik saqqummiussisinnaanerit pillugu Erhvervsstyrelsi malittarisassiorsinnaavoq. Aalajangiinerit uppersaaititullu allakkiat taamatut ittut inummit namminermit atsiorneqarsimasunut naligiissinneqassapput.

Imm. 2. Paasissutissanik elektroniskiusumik suliarinninneq kisiat tunngavigalugu aalajangiinerit imaluunniit uppersaaititullu allakkiat allat, taamaallaat pisortat pineqartut nassitsisutut taallugit saqqummiunneqarsinnaanerit pillugu Erhvervsstyrelsi malittarisassiorsinnaavoq.

§ 1 c. Uppersaaititullu allakkiap, oqartussamit ataatsimit pinnani allanit saqqummiunneqartup atsiorneqarsimanissaa inatsimmi matumani imaluunniit maleruagassani inatsit manna malillugu atuutilersinneqartuni piumasaqaataappat, periutsumik uppersaammik allakkiortup paatsuugassaanngitsumik kinaassusersinissaanut qulakkeerinnittumik atuinikkut piumasaqaat tamanna eqqortinneqarsinnaavoq, taamaattoq tak. imm. 2. Uppersaaititullu allakkiat taamatut ittut inummit namminermit atsiorneqarsimasunut naligiissinneqassapput.

Imm. 2. Atsiornermut piumasaqaatit avaqqunneqarsinnaanerit pillugu maleruagassanik erseqqinnerusunik Erhvervsstyrelsi aalajangersaasinnaavoq. Uppersaaititullu allakkiat

aalajangersimasunut inuup nammineerluni atsiorsimanissaanik piunasaqaatip
avaqqunneqarsinnaanginnera ilanngullugu aalajangerneqarsinnaavoq.«

2. § 12 imatut oqaasertalerneqassaaq:

»§ 12. Naatsorsuuserinermut atortut imatut paarineqassapput, pisortat oqartussaasuinit il.il., inatsisit allat malillugit naatsorsuuserinermut atortunik misissuinissamut pisinnaatitaasunit ajornartorsiutitaqanngitsumik Kalaallit Nunaanni misissorneqarsinnaasunngorlugit. Suliffeqarfiup allaffissornera aqunneqarneralu Danmarkimi suliarineqarpara, naatsorsuuserinermut atortut assigisaanik pisortat oqartussaasuinit il.il. Danmarkimi misissorneqarsinnaassapput.

Imm. 2. Naatsorsuuserinermut atortut elektronik atorlugu toqqortat Kalaallit Nunaanni, Danmarkimi imaluunniit nunani allani uninngasuutigineqarsinnaapput, naatsorsuutitut allattuinnissamut pisussaasup

- 1) naatsorsuuserinermut atortut inatsit manna naapertorlugu toqqortarippagit,
- 2) atortut qaqugukkulluunniit pissarsiarisinnaappagit, Kalaallit Nunaannilu Danmarkimiluunniit taakkuninnga takutitsisinnaalluni, tak. imm. 1,
- 3) periutsit il.il. atorneqartut allaaserineqarsimappata allaaserineqarnerat kiisalu taamaattoqarpat isissutitut ilisarnaatit pisariaqartinneqartut il.il. Kalaallit Nunaanni Danmarkimiluunniit uninngasuutigippagit, tak. imm. 1, aamma
- 4) naatsorsuuserinermut atortut naqitanngorlugit anillatsinneqarnissaat imaluunniit filformati akuerisaq atorlugu tunniunneqarnissaat isumagippagu.

Imm. 3. Naatsorsuuserinermut atortut elektronik atorlugu toqqortaangippata, pappialanngorlugit Kalaallit Nunaanni imaluunniit Danmarkimi uninngasuutigineqassapput, tak. imm. 1, taamaattoq tak. imm. 4-6.

Imm. 4. Naatsorsuuserinermut atortut pappialanngorlugit Finlandimi, Islandimi, Norgemi Sverigemiluunniit uninngasuutigineqarsinnaapput. Imm. 2, nr. 1-imi 2-imi aalajangersakkat assigisaanik atorneqassapput.

Imm. 5. Qaammammut maanna atuuttumut aamma qaammatip siulianut naatsorsuuserinermut atortut pappialanngorlugit nunani allani uninngasuutigineqarsinnaapput. Imm. 2, nr. 1-imi 2-imi aalajangersakkat assigisaanik atorneqassapput.

Imm. 6. Naatsorsuutitut allattuinnissamut pisussaataasup nunani allani ingerlataanut bilagit suliffeqarfiup iluaneersut avataaneersullu, pappialanngorlugit nunami allami pineqartumi uninngasuutigineqarsinnaapput piffissaq uninngatinneqarnissaat tamakkerlugu, tak. § 10. Naatsorsuutitut allattuinnissamut pisussaataasup nunani allani ingerlatai pillugit qaammammut pineqartumut qaammatinullu siuliinut pingasunut naatsorsuuserinermut atortut sinneri, piunasaqaatit assigisaat piunasaqaatigalugit pappialanngorlugit nunami pineqartumi uninngasuutigineqarsinnaapput. Imm. 2, nr. 1-imi 2-imi aalajangersakkat assigisaanik atorneqassapput.«

3. § 15, imm. 1, atorunnaarsinneqassaaq, taarsiullugulu ilanngunneqassaaq:

»Pisortat oqartussaasuisa, inatsisit allat naapertorlugit taamatut pisinnaatitaagunik, naatsorsuutinit allattuinnissamut pisussaasup naatsorsuuserinermut atortunik takunninnissamik piunnaasaateqarsinnaaneq pisinnaatitaaffigaat, naatsorsuuserinermut atortut nassaarinissaannut atuarnissaannullu suut tamaasa pisariaqartinneqartut naatsorsuuserinissamut pisussaasumit akiliutitaqanngitsumik atugassiissutigineqarnissaat piunnaasaatigisinnaallugu, kiisalu oqartussat tamatuminnga qinnuiginnitsillugit naatsorsuuserinermut atortut nassiunneqarnissaat tunniunneqarnissaalluunniit piunnaasaatigisinnaallugu. Aammattaaq nunat allamiut aningaasaat, aamma euro malillugit nalunaarsukkat, danskit aningaasannorlugit naatsorsorneqarnissaat oqartussat piunnaasaatigisinnaavaat. Naatsorsuuserinermut atortut, bilagit avataaneersut eqqaassanngikkaanni, kalaallisut, danskisut tuluttulluunniit pinnatik allamiut oqaasii allat atorlugit suliarineqarsimappata, naatsorsuutinit allattuinnissamut pisussaasup pineqartut kalaallisuumut, danskisuumut tuluttuumulluunniit akeqanngitsumik nutsertissagai oqartussat piunnaasaatigisinnaavaat.

Imm. 2. Naatsorsuuserinermut atortunik takunnissinnaatitaaneq imm. 1-imi aalajangersagaasoq, aamma naatsorsuuserinermut atortut inummi pingajuusumi uninneginneqarpata atuutissaaq.

Imm. 3. Naatsorsuuserinermut atortut elektronikkimik toqqortaappata, oqartussat maleruagassat § 1 a malillugu atuutilersitaasut naapertorlugit naatsorsuuserinermut atortut filformat akuerisaasoq atorlugu elektronikkimik toqqortatut tunniunneqarnissaat imaluunniit digitalimik nassiunneqarnissaat piunnaasaatigisinnaavaat.

Imm. 4. Erhvervsstyrelsilli naatsorsuuserinermut atortut attuumassuteqartut tamatigut piniarsinnaai.«

Imm. 2 kingorna imm. 5-inngorpoq.

4. I § 16, imm. 1, -imi »§ 12, imm. 1-3« allannortinneqarpoq: »§ 12, imm. 1-6«-inngorlugu.

§ 3. Piffissaq peqqussutip atuutilerfissaa inuussutissarsiornermut ineriartortitsinermullu ministerip aalajangersassavaa. Peqatigisaanillu naatsorsuuserinermut atortunik nunani allani toqqorsimatitsineq pillugu Kalaallit Nunaannut nalunaarut nr. 774, 10. juli 2008-meersoq atorunnaarsinneqarpoq.

Imm. 2. Suliffeqarfinit il.il. peqqussumut ilaasunut immikkut ittumik ikaarsaariarnermut aqqissuussinerit pillugit maleruagassat inuussutissarsiornermut ineriartortitsinermullu ministerip aalajangersarsinnaavai.